

REGVL AE  
ORINATIONES  
ET CONSTITVTIONES  
CANCELLARIAE  
APOSTOLICAE

S. D. N. Gregorij diuina prouidentia  
Papæ. XIII.



ROMAE, Apud hæredes Antonij Bladij  
Impressores Camerales. 1572.

ORIGINAL  
REGISTER

ST. LOUIS, MO.

1850

1851

1852

1853



1854

1855

REGVLAE, ORDINATIONES,  
& Constitutiones Cancellariæ Apostolicę  
S. D. N. Gregorij diuina prouidentia  
Papæ XIII.



Anctissimus in Christo Pater,  
& D. N. D. Gregorius diuina  
prouidentia Papa xij. suorum  
predecessorum vestigiis inhære  
do, normam, & ordinem rebus  
gerendis dare volens, in crasti-  
num assumptionis suæ ad summi apostolatus a-  
picem videlicet die quattadecima mensis Maii  
anni ab incarnatione Domini millesimi quin-  
gentesimi septuagesimi secundi, Reservationes,  
Constitutiones, & regulas infrascriptas fecit,  
quas etiam ex tunc suo tempore duraturas obser-  
uari voluit, & quas nos Alexander Episcopus  
Tusculan. Cardinalis Farnesius nuncupatus S.  
R. E. Vicecancellarius vltima eiusdem mensis  
in Cancellaria apostolica publicati fecimus

Reservationes generales, & spetiales.

In primis reservationes fecit similes illis que  
in Constitutione fel. recor. Benedicti Papæ xij.  
quæ incipit. Ad regimen, continentur, & illas  
locū habere voluit. etiam si officiales in eadem  
cōstitutione expressi Apostolicæ sedis officiales

ante obitum eorum esse defierint, quo ad beneficia, quæ tempore, quo officiales erant, obtinuerant. Ac referuauit beneficia, quæ per constitutionem Ioannis Papæ xxii. quæ incipit, Execrabilis, vacant, vel vacare contigerit.

Referuatio Cathedralium Ecclesiarum & Monasteriorum.

2. Item referuauit generaliter omnes ecclesias Patriarchales, Archiepiscopales, Episcopales, necnon omnia Monasteria virorum valorem annuum ducentorum Florenorum auri communi æstimatione excedentia, & voluit, quod excessus huiusmodi in literis exprimatur.

Referuatio dignitatum, necnon suorum, & S. R. E. Cardinalium familiarium beneficiorum.

3. Item referuauit generaliter dispositioni suæ omnes dignitates maiores post Pontificales, in Cathedralibus, etiam Metropolitanis Ecclesiis, necnon (valorem decem florenorum auri communi æstimatione excedentes) principales in collegiatis. Referuauit etiam prioratus, preposituras, prepositatus, ac alias dignitates cōuētuales, & præceptorias generales ordinum quorūcunque, sed non Militiarum. Ac quęcunque beneficia, quæ sui etiam, dum Cardinalatus fungebatur honore, existentes, ac S. R. E. viuentiū  
nunc,

nunc, & qui erunt suo tempore Cardinalium familiares continui commensales, obtinent, & in posterum obtinebunt, eorum familiaritate durante, ac in quibus, seu ad quæ ius eis competit aut competierit, etiam si ab ipsa familiaritate per obitum Cardinalium eorundem, vel alias recesserint, declarans dignitates, quæ in Cathedralibus etiam Metropolitanis. post Pontificales non maiores existunt, & quæ ex apostolicæ sedis indulgentia, vel ordinaria auctoritate, aut consuetudine præscripta, vel alias quouis modo in collegiatis Ecclesiis principalem præminentiam habere noscuntur, sub reservatione prædicta comprehendere.

Reservatio beneficiorum Collectorum  
& Subcollectorum.

4 Item reservavit generaliter omnia beneficia ecclesiastica quorumcunque collectorum, & vnitorum in quacunque ciuitate, vel diocesi, qui suo tempore eorum officia exercuerint; sub collectorum fructuum, & proventuum cameræ apostolicæ debitorum, illa videlicet beneficia dumtaxat, quæ durante eorum officio obtinuerint, & in quibus, seu ad quæ ius tunc eis competierit.

Reservatio beneficiorum Curialium, dum curia transfertur.

5 Item reservavit omnia & singula beneficia ecclesia-

ecclesiastica quorūcūq; curialiū, quos dū Curia Romana de loco ad locum transfertur eam sequendo decedere contigerit, in quouis loco quantumcūque etiā a dicta curia remoto.

Reseruatō beneficiorum Cubiculariorum,  
& Curforū.

6 Item reseruauit generaliter idem D. N. Papa dispositioni suę omnia beneficia Cubiculariorum, & Curforū suorum.

Reseruatō Beneficiorum ecclesiarum S. Petri,  
& S. Ioannis Lateranē. ac beatę Marię  
maioris de Vrbe, ac beneficiorum  
titulorum Cardinalium a curia absentium.

7 Item reseruauit dispositioni suę generaliter quęcūque canonicatus, & præhebendas, ac dignitates, personatus, & officia in principis Apostolorum, & sancti Ioannis Lateranē. ac beatę Marię maioris de Vrbe ecclesiis, nec non ad collationē, prouisionē, & præsentationē, seu quauis aliam dispositionem S. R. E. Cardinalium a Romanā curia absentium ratione suorum Episcopatum, Cardinalatus, ac ipsorum Cardinalium titulorum spectantia, quandiu absentia sua durauerit, canonicatus, & præbendas, dignitates, personatus, administrationes. & officia.



cia, ceteraq; beneficia ecclesiastica, eū cura, vel  
sine cura, vacantia, & in antea vacatura, tam in  
eadem Vrbe, quam in ecclesiis, ciuitatibus, &  
dioc. dictorum Episcopatum consistentia, ac  
decreuit irritum &c.

De literis in forma Rationi cōgruit, expediēdis.  
& Item voluit idem D. N. Papa, quod concessa  
per sel. recor. Pium Papam V. predecessorem  
suum, & de eius mandato, expediatur in forma  
Rationi congruit, sub die coronationis suæ, vt  
moris est, & idem quoad concessa per pie me-  
mor. Pium P. iij. et predecessorem suum ad  
sex menses duntaxat ab ipso die coronationis in-  
cipiendos obseruari voluit.

**Declaratio reservationis Ecclesiarum, & Bene-  
ficiorum per predecessores reservatorum.**

Item declarauit omnium, & singularum ec-  
clesiarum Cathedralium, & Monasteriorum pro-  
uisiones, quas prædicti predecessores sui ordina-  
tioni, & dispositioni eorum, Necnon omnia  
& singula beneficia ecclesiastica quæ dicti præ-  
decessores etiam præfata dispositioni cum inter-  
positione decreti reservantur, Quæ quidem Ec-  
clesiæ, & monasteria, necnon sic reservata bene-  
ficia tempore obitus eorundē predecessorū vaca-  
bant, aut Ecclesiæ ipsæ, vel Monasteria huius-

modi si cōmendata, vel eis administratores deputati nō fuissent, ēt tunc vacassent, remansisse, & remanere p̄ r̄ huiusmodi reservationem, & decretum affecta, nullumque de illis p̄ter Rom. Pontificem ea vice se ītromittere, vel disponere potuisse, siue posse quoquomō. Decernens irritū & inanē si secus super illis attentatū forsan erat tunc, vel in posterum contingerit attentari.

Reualidatio literarum p̄decessoris gratiæ, & iustitiæ infra annum concessarum.

19 Item p̄dictus D. N. omnes, & singulas ab ipso Pio V. p̄decessore suo infra annum ante diem obitus eius concessas gratiæ, vel iustitię literas temporibus debitis eorum executoribus non p̄sentatas omnino reualidauit, & in statū p̄iustinum, in quo videlicet ante fuerant, vel pro quibus erant obtentæ, quo ad hoc plenarie restituit ac decreuit p̄ executores p̄dictos vel ab eis subdelegandos perinde ad ipsarum executionem p̄cedi posse & debere, ac si executio huiusmodi temporibus p̄dictis inchoacta fuisset.

Reuocatio vnionum.

11 Item rationalibus suadentibus causis ipse D. N. omnes vniones, annexiones, incorporationes, suppressiones, extinctiōes, applicationes & disīnēbrationes etiam perpetuas de quibus



uis Cathedralibus, necnō aliis ecclesiis, monaste-  
riis, dignitatibus, personatibus, officiis, &  
beneficiis ecclesiasticis, corūue domibus, prædiis  
& locis per cessum, vel decessum, aut quamuis  
aliam dimissionem. vel amissionem qualiacūq;  
fuerint, inuicem, vel aliis Ecclesiis, Monaste-  
riis, & mēsis, dignitatibus, personatibus, offi-  
ciis, beneficiis, ac piis, & aliis locis, yniuersita-  
tibus etiam studiorum generalium, & collegiis  
etiam in fauorem S. R. E. Cardinalium, seu ec-  
clesiis, monasteriis, & beficiis per eos obtentis  
quomodolibet apostolica, vel alia quauis, non  
tamen Concilii Tridentini, auctoritate factas,  
quę suum non sunt sortitę effectum, Ac quęcūq;  
concessionēs, & mandata super vnionibus, an-  
nexionibus, incorporationibus, ac aliis præ-  
missis taliter faciendis reuocauit, cassauit, & irri-  
tauit, nulliusque decreuit existere firmitatis, nec  
alicui quascunq; clausulas, vel adiectiones in  
quibusuis apostolicis, etiam quæ Motu proprio  
aut ex certa scientia, & consistorialiter processe-  
rant & emanauerāt literas, etsi in eis decretum  
esset, illas extrunc effectum sortitas esse, aut ius  
quæsitum fore, quomodolibet contenta, aduer-  
sus reuocationem, & irritationē huiusmodi vo-  
luit aliquatenus suffragari.

Reuocatio facultatum quibusuis concessarum.

12. Item reuocauit quascunq; facultates con-  
cessas

cellas quibusvis Patriarchis, Archiepiscopis, Episcopis, & aliis Prelatis, & personis, necnon Apostolicę sedis Nunciis, ac fructuum, & proventuum Camerę Apostolicę debitorum collectoribus, de dispensando cū quibusvis personis super Matrimonio contracto, vel contrahendo in gradu prohibito, ac Natalium, & ætatis defectibus, & de incōmutabilibus beneficiis ecclesiasticis insimul retinendis. Necnon de Notariis publicis creandis, ac de disponendo quomodolibet de quibusvis beneficijs ecclesiasticis & alias à præmissis officia ipsorum Nunciorum, & Collectorum directe non concernentes, necnon facultates, & indulta quibusvis Cardinalibus, ac aliis personis etiam ad vitā de quibusvis beneficiis ecclesiasticis certarū ciuitatū, & diocesis. in quibus ipsi nō erant, nec vnquā fuerant veri ordinarii collatores, sed de ipsorum ordinariorū consensu, aut et sine ipsorū cōsensu, seu se de Episcopali, vel et Archiepiscopali vacatibus, disponendi, aut Vicarios perpetuos, seu etiam temporales, qui etiam Cardinalibus, aut personis huiusmodi beneficia conferrent, vel commendarent, deputandi, aut ipsi Vicarii per quoscūq; Rom. Pont. prædecessores suos deputati fuissent, etiam perinde ac si veri, & non ficti inibi ordinarii collatores essent. Ac etiam cū decreto quod de eisdem beneficijs absq; corundem Cardina-

lium

lium, vel personarum consensu, etiam per sedē apostolicam pro tempore factæ nullius essent roboris quomodolibet concessa, etiam si in literis desuper confectis siue clausulę restitutorię, & derogatoriarum derogatorię, & alię efficaciores quas pro expressis haberi voluit, quo ad omnia in quibus facultates ipsę non sunt sortitę effectum, etiam si Nuntiis eisdem dictę sedis legatis de latere cōperens sit concessa potestas. Decernēs irritum &c.

### Reuocatio facultatum conferendi

#### Beneficia reseruata.

Item reuocauit quascumque facultates, & literas desuper confectas, per quas quicūque sui prædecessores Roman. Pont. quibusuis personis ordinariam collationem, seu aliam dispositionē Beneficiorum Ecclesiasticorum de iure vel consuetudine habentibus, & quauis ēt Patriarchali, Archiepiscopali, Episcopali, vel alia dignitate, vel alio, non tamen Cardinalatus, honore fungentibus, quauis consideratione, vel intuitu etiam Motu proprio, & ex certa scientia, ac de apostolicę potestatis plenitudine concesserant, aut quamdiu viuerant, vel suis Ecclesiis, seu Monasteriis præessent, aut ad aliud tempus de Beneficiis ecclesiasticis generaliter reseruatis seu affectis, ad eorum collationem, prouisionem præsen-

praesentationem, electionem, & quantuis aliam  
dispositionem communiter, vel diuissim spectan-  
tibus disponere libere, & licite valerent, aut etiā  
ad id per eosdem praedecessores Vicarii perpe-  
tui, vel ad tempus constituti forent.

#### De dictionibus numeralibus.

14 Item vt in apostolicis literis committendi  
crimen falsi peramplius tollatur occasio, voluit,  
statuit, & ordinauit, quod dictiones numerales,  
quae in dictis literis ante Non. & idus immedia-  
te poni consueuerunt, per literas, & syllabas ex-  
tense scribantur. & illae ex praefatis literis in qui-  
bus huiusmodi dictiones aliter scriptae fuerint,  
ad Bullariam nullatenus mittantur.

#### De concurrentibus in data.

15 Item voluit, quod de concurrentibus super  
vacantibus, seu certo modo vacaturis beneficiis,  
illis quibus gratiae Motu proprio conceduntur,  
ceteris simili modo gratias non habentibus, alias  
graduati non graduatis, aut inter graduatos ma-  
gis graduati, ac inter equaliter graduatos prius  
graduati, necnon colorato titulo possessores non  
possessoribus, ac inter personas alias in Curia  
praesentes absentibus ab ea, ac inter praesentes non  
beneficiati beneficiatis, & similiter inter absen-  
tes ceteris paribus oriundus non oriundo, & Dic-  
cesanus

cesanus non diocesano, In reliquis vero singu-  
li, qui prius apostolicas desuper literas eorum  
executoribus præsentaauerint, aliis in ipsorum  
de quibus agi contigerit, beneficiorum assecu-  
tione præferatur.

### De non tollendo ius quæsitum.

16 Item ne per varias, quæ pro commissioni-  
bus seu mandatis, & declarationibus habendis  
in causis plerumque fiunt suggestiones, iustitia  
postponatur, idem D. N. decreuit, & declara-  
uit suæ intentionis esse, quod deinceps per, quā-  
cumque signaturam, seu concessionem, aut gra-  
tiam, vel literas apostolicas pro cūmissionibus,  
seu mandatis, aut declarationibus huiusmodi,  
etiam si motu proprio, & ex certa scientia, ac et  
ante motam litem a Sanctitate sua emanauerit,  
vel de eius mandato faciendas, nulli ius sibi quæ-  
situm quomodolibet tollatur.

### Regula de viginti.

17 Item voluit, quod si quis in infirmitate con-  
stitutus resignauerit aliquod beneficiū, siue sim-  
pliciter, siue ex causis permutationis, vel alias di-  
miserit, aut illius Commendæ cessent, seu ipsius  
beneficij vnionis dissolutioni consenserit, etiam  
vigore supplicationis dum esset sanus signato, &  
postea infra viginti dies a die per ipsum resignā-  
tem



tem præstandi consensus computandos de ipsa infirmitate decesserit, & ipsum beneficium quavis auctoritate conferatur per resignationem sic factam, collatio huiusmodi sit nulla, ipsumque beneficium nihilominus per obitum censeatur vacare.

#### De Idiome.

18 Item voluit, quod si contingat ipsum alicui personæ de Parochiali Ecclesia, vel quonvis alio beneficio exercitium curæ animarum parochianorum quomodolibet habente providere, seu mandare provideri, nisi ipsa persona intelligat, & intelligibiliter loqui sciat idioma loci, ubi ecclesia, vel beneficium huiusmodi consistit, provisio, seu mandatum, & gratia desuper, quo ad parochialem ecclesiam, vel beneficiū huiusmodi, nullius sit roboris, vel momenti.

#### De non impetrando beneficium per obitum viuentium.

19 Item si quis supplicauerit sibi de beneficio quocumq; tanquam per obitum alicuius, licet tunc viuentis, vacante provideri, & postea per obitum eius vacet, provisio, & quævis alia dispositio dicto supplicanti per obitū huiusmodi denovo faciendæ nullius sint roboris, vel momenti.

De



## De vnionibus, & vnionum

confirmatione.

20 Item voluit, quod petens beneficia ecclesiastica alijs vniri, teneantur exprimere vetum annum valorem secundum communem estimationem tam beneficij vniendi, quam illius, cui vniri petitur. Alioquin vnio non valeat, & semper in vnionibus commissio fiat ad partes, vocatis quorum interest, & idem voluit obseruari in confirmationibus vnionum factarum.

## De mendicantibus transferendis.

21 Item de mendicantibus, qui ad alios ordines transferint pro tempore, voluit Constitutio nem fel. rex. Martini Papę quinti prædecessoris sui desuper factam, & in libro Cancellarię Apostolicę descriptam, quę incipit. Viam ambigua, cupiditatis &c. firmiter obseruari.

## De male promotis.

22 Item de Clericis extra tempora a iure statuta, siue ante ætatem legitimam, aut absque dimissis literis ad sacros ordines se promoueri facientibus pro tempore, etiam voluit Constitutionem pię mem. Pii ij. similiter prædecessoris sui desuper editam, & in dicto Cancellarię apostolicę libro descriptam, quę incipit. Cum ex sacrorum ordinum, &c. pari modo obseruari.

De

## De Moneta.

23 Item declarauit idem D.N. quod libra Turoneſ. paruorum, & florenus auti de Camera pro æquali valore in concernentibus literas, & Cameram apostolicam computari, & æſtimari debeant.

## De beneficiis vacaturis per promotionem ad Eccleſias, &

### Monasteria.

24 Item præſatus D.N. Papa voluit, decreuit, & ordinauit, quod quæcumq; conſeſſiones, gratias, & mandata etiam Motu proprio, & cum de rogatione huius conſtitutionis, quæ ab eo pro quibusuis personis emanauerint, de prouidendo eis de quibusuis beneficiis vacaturis per promotionem quorumcumque ad Eccleſiarum, & Monasteriorum regimina, ſi huiusmodi conſeſſiones, & mandata diem promotionis promouendorum ipſorum præceſſerint, Necnon quæcumq; collationes, prouiſiones, & diſpoſitiones pro tempore faciendæ de præmiſſis, ac quibusuis aliis beneficiis eccleſiaſticis, ſecularibus, & regularibus, quæ per promouendos, vel aſſumendos ad quæſcumque prælaturas inter illarum vacationis & huiusmodi promotionis, vel aſſumptionis tempora, ſimpliciter, vel ex cauſa permutationis ubi cumque reſignari, vel alias dimitti contigerit,

cum

cum in de secutis pro tempore sint cassæ, & irritæ, nulliusq; roboris, vel momenti.

**De non iudicando iuxta formam supplicationum, sed literarum expeditarum.**

25 Item cum ante confectionem literarum gratia apostolica sit informis, voluit, statuit, & ordinavit idem D.N. quod Iudices in Rom. Cur. & extra eam pro tempore existentes, etiam si sint S. R. E. Cardinales, causarum Palatii Apostolici Auditores, vel quicumq; alij, non iuxta supplicationum signatarum super quibusvis impetrationibus (nisi in dicta Curia duntaxat sint commissiones iustitiam concernentes per placet, vel per sanctę Romanę Ecclesię Vicecancellarium iuxta facultatem super hoc sibi concessam signatę) sed iuxta literarum super eisdem impetrationibus & concessionibus confectarum tenores, & formas iudicare debeant. Decernentes irritum, &c. Et si literę ipsę per præoccupationem vel aliā minus bene expeditę reperiantur, ad illorū quorum interest instantiam ad apostolicam Cancellariam remitti poterunt per eius officiales, quibus huiusmodi tenores, & formas restringere convenit, ad formas debitas reducendę.

**De Regulis Cancellarię producendis.**

26 Item attendens D.N. Papa, quod super habendis

bendis de Cancellaria apostolica regulis, & constitutionibus inibi descriptis, faciliter per eos, qui in Romana curia indiguerint, ad ipsam Cancellariam recursus dirigi potest, nec consultum foret, quod super earumdem regularum & constitutionum, quas iuxta varietatem occurrentium causarum, & negotiorum aliquoties immutari conuenit, probando tenore vel effectum testium plerumque tenacem desuper memoriam non habentium depositionibus stare deberet, voluit statuit, & ordinauit, quod deinceps quilibet ex Auditoribus causarum Palatii apostolici, & alij, etiam si sanctae Romanae Ecclesiae sint Cardinales in ipsa Curia pro tempore deputatis auctoritate apostolica, iudicibus etiam in causis actu pendentibus, super huiusmodi tenore vel effectum probando, dumtaxat stet, fidemque adhibeat cedulae, seu scripturae desuper a duobus de maiori parco, quod danda sit a tergo signatae, & etiam duobus alij litterarum apostolicarum Abbreviatoribus in ipsa Cancellaria auscultate, & domini Vicecancellarij, seu dictam Cancellariam Regentis manus subscriptae, ut moris est, quicquid autem secum fieri contigerit, nullius sit roboris vel momenti.

De surrogandis colligantibus.

27 Item D.N. cupiens litium succidere anfractus, & ne noui colligantibus aduersarij dertu

tur, providere, voluit, statuit, & ordinavit, quod  
quoties deinceps aliquem super quovis ecclesia  
stico beneficio colligantem in iure, vel ad ius,  
si quod forsan eius aduersario in dicto beneficio  
competierit surrogari concesserit (dummodo præ  
fatus colligans in dicto beneficio intrusus non  
fuerit, nec super eo contra dictum aduersarium,  
postquam illud per triennium pacifice possede  
rit, lis tunc mota fuerit) aliorum quorumlibet de  
premissis iure, siue tunc vacet, vel cum vacauerit,  
impetrationes, vel concessiones etiam. Motu pro  
prio infra mensem ante concessionem huiusmo  
di factę nullius sint roboris, vel momenti. Et ni  
hilominus cupiens eorū fraudibus obuiare, qui  
viventium beneficia, illorum præsertim, quibus  
aut propter senium, aut propter infirmitatē im  
mineret vitę periculum, impetrant, vt illis dece  
dentibus, tamquam colligantes in eorum iuri  
bus facilius subrogentur, voluit, vt deinceps nul  
lus in iure, vel ad ius in beneficio defuncti, quod  
illo viuente in casibus premissis, vel similibus im  
petrauerit, aliquo modo subrogetur, ac subroga  
tio, vel gratia si neutri, si nulli, seu nouę promi  
ssionis, aut perinde valere, taliter impetrandi nul  
latenus suffragetur, quod etiam strictissime ob  
seruari mandauit in impetrationibus beneficio  
rum per priuationem, & amotionem, ex quibus  
uis criminibus, & excessibus forsan perpetratis.



etiam si vsque ad diffinitiuam sententiam, quę  
tamen in rem non transuerit iudicatam, proces-  
sum foret.

De verisimili notitia.

28 Item voluit, & ordinauit, quod omnes gra-  
tias, quas de quibusuis beneficiis ecclesiasticis  
cum cura, vel sine cura sæcularibus, vel regulari-  
bus per obitum quarumcunq; personarum va-  
cantibus in antea fecerit, nullius roboris, vel mo-  
menti sint, nisi post obitum & ante datam gratia-  
rum huiusmodi tantum tempus effluxerit, quod  
interim vacationes ipsę de locis, in quibus per-  
sonę prædictę decesserint, ad notitiam eiusdem  
domini nostri verisimiliter potuerit peruenisse.

Non valeant commissiones causarum,  
nisi literis expeditis.

29 Item quod omnes, & singulę commissio-  
nes causarum, quas in antea fieri contigerit, ob-  
tentę, vel occasione cõcessionum dumtaxat apo-  
stolicarum de beneficiis ecclesiasticis gratiarum,  
super quibus literę apostolicę confectę non fue-  
rint, ac processus desuper habendi, nullius sint  
roboris, vel momenti, nisi ipsę literę infra termi-  
num ad articulandum expediantur, & interim  
non sit vera lis. nec sit locus regulę de subrogan-  
dis colligantibus.

De



De impetrantibus beneficia per obitum  
familiarium Cardinalium.

30 Item voluit, quod impetrans beneficium  
vacans per obitum familiaris alicuius Cardina-  
lis, teneatur exprimere nomen, & titulum ipsius  
Cardinalis, & si ille in Curia fuerit, eius ad id  
accedat assensus; alias desuper gratia sit nulla.  
& idem seruari voluit, si dicti familiares eorum-  
dem Cardinalium familiares esse desierint, seu  
ad aliorum Cardinalium familiaritatem similem  
transierint, quo ad beneficia, quae familiaritate  
priori durante obtinuerint, & in quibus prior  
ipsa familiaritate durante, ius eis competierit.  
Ita quod, quo ad illa, Cardinales, quorum prius  
familiares fuerint, suum habeant adhibere con-  
sensum. Declarans praesentem constitutionem  
locum non habere in illis beneficiis, quae non so-  
lum ratione familiaritatis continui commenda-  
tatis huiusmodi, sed etiam ratione officiorum,  
quae familiares ipsi tempore obitus eorum in di-  
cta curia, vel extra eam obtinerent, aut antea ob-  
tinuissent dictae dispositioni generaliter reserva-  
ta, vel affecta fuisse appaterent. Necnon illos, quo  
ad effectum, dictae constitutionis, familiares eo-  
rundem Cardinalium censi, qui ipsorum Car-  
dinalium familiares continui commensales ad-  
minus per quatuor menses fuisse praebantur.

## Super eadem familiaritate.

Item idem D. N. ad evitandas lites, & contentiones, quæ ex præcedenti sua constitutione exoriri possent vestigiis prædecessorum suorum inherendo; voluit, statuit, & ordinavit, quod si beneficium, quæ per obitum familiarium cōtinuorum commensalium eorundem Cardinaliū in futurum vacabunt, cessantibus apostolicis reservationibus, ad alterius Cardinalis collationem, vel aliam dispositionem pertinere deberent, in dicta præcedenti constitutione non comprehenduntur, quo ad hoc, ut in prouisionibus talium beneficiorum super expeditionibus literarū illius Cardinalis, cuius familiaris defunctus ille extitit, consensus requiri debeat, sed beneficia huiusmodi ad collationem seu quamvis aliam dispositionem Cardinalis ordinarii collatoris, ut præfertur, libere spectare censeantur, & si apud Sedem Apostolicam beneficia huiusmodi per obitum dictorum familiarium vacauerint, tunc in prouisione talium beneficiorum super expeditione literarum illius Cardinalis exigatur cōsentus, si in Romana Curia præsens fuerit, ad quem eorundem collatio, vel dispositio, ut præfertur, pertinere deberet.

Signatura

Signatura per fiat præferatur alteri  
per Concessum .

Item voluit idem D.N. quod concurrentibus eadē die super quocunq; beneficio per fiat, & concessum Signaturis, ex eis per fiat etiam ut petitur habens, alteri per concessum etiam Motu proprio habenti præferatur, etiā si in illa per concessum prægnantiores, & quantumlibet priuilegiatiue essent clausulæ.

De annali possessore.

Item S. D. N. ut improbi lites exquirentium motus reprimantur, voluit, statuit, & ordinauit, quod quicunq; beneficium ecclesiasticum tunc per annum immediate præcedentē pacifice possessum, & quod certo modo vacare prætenditur, deinceps impetrauerit, nomen, gradum, & nobilitatem possessoris eiusdem, & quot anni illud ipse possederit, ac specificam, & determinatam, ex qua clare poterit constare, quod nullum ipsi possessori in dicto beneficio ius competat, causam in huiusmodi impetratione exprimere, & infra sex menses ipsum possessorem ad iudiciū euocari facere, causamq; ex tunc desuper infra annum usq; ad sententiam diffinitiuam inclusive prosequi debeat, & teneatur. Alioquin impetratio prædicta, & quæcunque inde secuta nullius existant firmitatis, & idem impetrans de dā

nis, & interesse possessorem prædictum propterea contingentibus ei satisfacere : & si possessorem ipsum iniuste, frivole, & indebite molestasse repertus extiterit, quinquaginta florenos aut persolvere Cameræ Apost. sit astrictus, nec alius quam præmissæ vacationis modus etiam per literas, Si neutri, aut surrogationis, aut alias sibi, quo ad hoc, vñ beneficium huiusmodi ea vice cōsequi, aut obtinere valeat, quomodolibet suffragetur, illudque nullatenus inantea litigio sum propterea censeatur: quod etiam extendi voluit ad impetrantes beneficia ecclesiastica cuiuscunque qualitatē per priuationem, & amotionem, vel alias propter commissā excessus, & crimina vacantia, vel vacatura, & similiter ad impetrantes beneficia tanquā vacantia per deuolutionē.

*1140. 1141. 1142. 1143. 1144. 1145. 1146. 1147. 1148. 1149. 1150.*

*1151. 1152. 1153. 1154. 1155. 1156. 1157. 1158. 1159. 1160.* De triennali.

**114** Item statuit, & ordinavit idem D.N. quod si quis quæcunque beneficia ecclesiastica qualiācunque sint absque simoniaco ingressu ex quovis titulo apostolica, vel ordinaria collatione, aut electione, & electionis huiusmodi confirmatione, seu presentatione, & institutione illorum ad quos beneficiorum huiusmodi collatio, promissio, electio, & præfatio, seu quevis alia dispositio pertinet, per triennium pacifice possederit (dummodo in beneficiis huiusmodi, si dispositioni

fitioni apostolicę ex reseruatiōe generali in cor  
pore iuris clausa reseruata fuerint, se non intru  
serit) super eisdem beneficiis taliter possessis mo  
lestari nequeat. Necnon impetrationes quasli  
bet de beneficiis ipsis sic possessis factas irritas,  
& inanes censeri debere decreuit, antiquas lites  
super illis motas penitus extinguendo.

De non appellando ante diffinitiuam  
sententiam.

35 Item idem D.N vt finis litibus celerius im  
ponatur, & litigantium parcatur sumptibus, &  
expensis, suorum prædecessorum constitutioni  
bus & statutis, inhærendo, statuit, & ordinauit,  
quod in causis in Romana Curia pendentibus,  
& quæ in posterum contigerit agitari, nulli an  
te diffinitiuam sententiam liceat appellare, nec  
appellatio, si fuerit emissæ, debeat admitti, nisi  
ab interlocutoria, quæ vim habeat diffinitiuæ,  
vel a grauamine minime concernente negotiū  
principale, quod non possit per appellationem  
a diffinitiuâ sententia reparari: nullæque causæ  
appellationum committantur, nisi in cōmissio  
ne exprimatur, quod interlocutoria vim diffini  
tiuæ habeat, vel grauamen sit tale, quod in appel  
latione a diffinitiuâ non valeat reparari. Alio  
quin appellationes, & commissiones in posterū,  
& quicquid inde secutum fuerit, nullius sit ro  
boris



boris vel momenti, commissionibus appellatio-  
num iam iudicibus presentatis, & exhibitis in  
suo robore permansuris, in quibus latius super  
eisdem sententiis secundo, vel ulterius ab eis nō  
liceat appellare. Appellantes vero, & appellatio-  
nes etiam ab interlocutoriis, & grauaminibus  
huiusmodi suo, vel alterius nomine prosequen-  
tes si succubuerint, ultra expensas, & damna, ad  
quæ refarcienda de iure condemnatus compelli-  
tur, viginti florenorum auri pœna mulctetur.

Non stetur commissioni post  
conclusionem.

36 Item statuit, & ordinauit, quod in cōmis-  
sionibus de iustitia, seu mandatis etiam consisto-  
rialibus per eum, seu de eius mandato, vel aucto-  
ritate in causis, in quibus conclusū existat, in po-  
sterum concedendis, etiam si in eis de cōclusio-  
ne huiusmodi implicite vel explicite mentio fa-  
cta fuerit, nihil censeatur esse cōcessum, nisi per  
concessionem commissionis huiusmodi deroge-  
tur expresse.

De literis religiosorum expo-  
diendis.

37 Item voluit, & ordinauit, quod si aliqui re-  
ligiosi petūt aliquod beneficium ad nutum amo-  
uibile, cum clausula, quod exinde pro solo nutu  
Abbatis



Abbatis, vel superioris amoueri non possint, literarum quo ad ipsam clausulam nullatenus expediantur, nisi idem D.N. ponat in signatura, quod non possit amoueri, vel ad partem clausulæ ipsam concedat.

### De clausula ponenda in literis permutationum beneficiorum.

38 Item si committatur alicui beneficii resignationis receptio, ponatur clausula, Attente quoque provideas &c. Et si ex causa permutationis resignationes fiant, ponatur clausula, Quod neuter permutantium ius acquirat, nisi quilibet ipsorum ius habuerit in beneficio per ipsum resignato.

### De supplendis defectibus.

39 Voluit, quod si petatur suppleri defectus in genere, nullatenus literarum desuper concedantur, nisi in petitione desuper huiusmodi defectus exprimentur, vel per, Fiat ut petitur, supplicatio signata fuerit.

### De derogatione iuris patronatus.

40 Item voluit, quod super quouis beneficio ecclesiastico de iure patronatus laicorum non expediantur literæ, nisi ponatur expresse, quod tale beneficium tanto tempore vacauit, quod eius collatio ad Sedem Apostolicam legitime est deuoluta, vel quia tempus patronis laicis ad presentandum a iure

iure prefixum lapsum existat, aut ad id patrono-  
rum ipsorum accedat assensus. Et si per ipsum  
iuripatronatus huiusmodi derogari contigerit,  
si ius huiusmodi ad aliquem Regem, Ducem,  
Marchionem, vel alium Principem pertineat, &  
de hoc in literis prouisionis, vel mandati de pro-  
uidendo de dicto beneficio mentio facta nō fue-  
rit, non censeatur quomodolibet derogatum.

*capitulum de commendis*

**De commendis.**  
41. Item voluit, quod nulli saculari de regula-  
ri, nec religioso de saculari beneficiis commen-  
da detur, nisi in signatura per clauisulam, ad par-  
tem, super petitione commendæ huiusmodi, de  
commenda ipsa mentio fiat.

*capitulum de reformationibus*

**De reformationibus.**  
42. Item voluit, statuit, & ordinauit, quod su-  
per quibuscunque reformationibus signatis su-  
per impetrationibus quorumcunque beneficiorum  
vacantium, vel certo modo vacaturorum, in qui-  
bus petiitur, quod literæ super primâ data expedi-  
ri possint, si ex huiusmodi expeditione sub tali  
data cuiquam videatur posse fieri præiudicium,  
literæ huiusmodi sub ipsa primâ data nullate-  
nus expediantur, nisi reformationes huiusmodi  
per Fiar sub primâ data signatæ fuerint.

*capitulum de* De

De consensu in resignationibus,  
& pensionibus.

43 Item voluit, & ordinavit, quod super resignatione cuiuscunq; beneficii ecclesiastici, seu cessione iuris in eo quam in manibus suis, vel in Cancellaria apostolica fieri contigerit, apostolicæ literę nullatenus expediantur, nisi resignans, vel cedens, si præsens in Romana Curia fuerit, personaliter, alioquin per procuratorem suum ad hoc ab eo specialiter constitutum expeditioni huiusmodi in eadem Cancellaria expresse consenserit, & iuraverit, ut moris est: & si ipsum resignantem, vel cedentem pluries super vno & eodem beneficio in favorem diversarum personarum successive consentire contigerit, voluit Sanctitas sua, quod primus consensus tenere debeat, & alii posteriores consensus, ac literæ illorū prætextu etiam sub priori data expeditæ, pro tempore nullius sint roboris, vel momenti. Nec literæ reservationis, vel assignationis, etiam Motu proprio, cuiusvis pensionis annuæ super alicuius beneficii fructibus expediri possint, nisi de consensu illius, qui pensionem persolvere tunc habebit.

De ingressu Religionis.

44 Item non dentur literę super beneficiis vacaturis per ingressum Religionis, nisi ille præcellerit datam super petitionis.

Non

Non valeat impetratio facta per modum in  
Cancellaria exprimendum.

45 Item voluit, quod si petatur aliquod bene-  
ficio vacans per modum in Cancellaria apo-  
stolica exprimendum, talis impetratio non valeat,  
nec literę desuper expediantur.

De executione facienda.

46 Item voluit, statuit, & ordinavit, quod quo-  
tiescunq; per signaturam suam, vel de eius man-  
dato factam, super exequendis aliquibus, cum adie-  
ctione proprii nominis, vel dignitatis cuiusvis,  
iudex datur, literę desuper expediantur cum ex-  
pressionem, quod idem iudex executionem faciat  
per seipsum.

De dispensationibus in gradibus  
consanguinitatis.

47 Voluit, quod in literis dispensationum su-  
per aliquo gradu consanguinitatis, vel affinita-  
tis, aut alias prohibito, ponatur clausula, Si mu-  
lier rapta non fuerit. Et si scienter, ponatur clau-  
sula addita in quaterno.

Super defectu natalium.

48 Voluit, quod in dispensationibus super de-  
fectu Natalium, quod possint succedere in bo-  
nis temporalibus, ponatur clausula, Quod non  
preiudi-

preiudicetur illis ad quos successio bonorum ab intestato pertinere debeat.

### Super dispensationibus.

49 Item, quod per quamcunq; signaturam in quavis gratia nullatenus dispensatio veniat, nisi dicta gratia totaliter effectum huiusmodi dispensationis concernat, vel alias nihil conferat, aut operetur.

Nulli suffragetur dispensatio, nisi literis confectis.

50 Item, cum concessionem super gratiis dispensationum quarumcumq; quibusvis per ipsum D.N. concessarum, vel concedendarum per regulas Cancellariæ apostolicæ sint provide limitatæ, licet aliquando in petitionibus super huiusmodi concessionibus oblatis multa sint petita, ne quis talium concessionum prætextu id dispensatione tenere, aut facere præsumat ad quod concessionem huiusmodi se non extendant, Voluit idem D.N. quod nulla talis dispensatio cuiquam in iudicio, vel extra suffragetur, antequam super ea litteræ apostolicæ sint confectæ.

### De clausulis ponendis in literis indulgentiarum.

51 Item voluit, quod in literis indulgentiarum ponatur, quod si Ecclesiæ, vel Capellæ, vel alias aliqua indulgentia fuerit per ipsam concessa, de qua



qua inibi specialis mentio facta non sit, huius-  
modi literæ sint nullæ.

De indulgentiis concessis ad  
instar.

52 Item voluit idem D. N. quod literæ super  
indulgentiis non expediantur ad instar, nisi spe-  
cificentur.

De exprimendo valore beneficiorum  
in impetrationibus.

53 Item voluit, quod in gratiis, quas quibusvis  
personis de beneficiis vacantibus, seu certo mo-  
do vacaturis fieri contigerit, illorum, & aliorum  
quorumcumque beneficiorum, quæ dictæ per-  
sonæ tunc obtinuerint, seu de quibus eis fuerit  
prouisum, vel concessum, aut mandatum proui-  
deri, verus annuus valor per Marcas argenti, aut  
sterlingorum, vel libras Turonensium paruorū.  
seu floren. auri, aut ducati, vel uncias. auri, seu  
aliam monetam secundum communem æstima-  
tionem exprimatur, nisi personæ prædictæ bene-  
ficia, quæ tunc obtinuerint, aut in quibus, vel ad  
quæ ius eis competit, iuxta ipsarum oblationes,  
aut alias dimittere teneantur, alioquin gratiæ præ-  
dictæ sint nullæ. Et idem seruetur in gratiis, quas  
a sanctitate sua Motu proprio emanare contige-  
rit, quo ad beneficia, de quibus per sanctitatem  
suam pro tempore prouidetur, seu prouideri m̃a  
datur



datum, aut alias disponitur, ac literis, per quas pro tempore ad ecclesiarum Patriarchalium, & Cathedralium, ac Monasteriorum regimina promotis conceditur, quod Monasteria, & alia beneficia ecclesiastica secularia, & regularia per eos obtenta, & in quibus, & ad quæ ius eis competit, retinere possint.

De clausulis in beneficiis vacantibus  
ponendis.

54 Voluit, & ordinavit, quod quando providet, seu mandat provideri alicui de beneficio ecclesiastico vacante, tunc dari poterunt clausulæ, si petantur, Etiam si illud quovis modo, &c. seu per constitutionem Execrabilis vacet, ac specialiter reservatum inter aliquos litigiosum sit, & eius collatio devoluta fuerit. Et si pro colligante, vel surrogationem, aut Si neutri, vel Si nulli &c. petente, si tunc his specificè exprimatur, Nec detur aliqua generalis reservatio dispositivæ, nisi desuper in concessione specialis, & expressa, ac pure & non sub conditione mentio fiat, & tunc reliquæ reservationes ibi contentæ veniant. Si vero tempore expeditionis inde literarum generalis reservatio huiusmodi probari non possit, aut in novis provisionibus, seu pro colligantibus, si neutri, vel si nulli &c. sit expressum, quod ab aliquibus asseritur, illum cuius beneficium

C con-

conceditur collectorem, vnicum subcollectorē,  
abbreviatorem, vel familiarem, notarium, aut  
dictæ sedis officialem fuisse, clausula ponatur,  
Etiam si dictum beneficium, ex eo quod talis col-  
lector, vel vnicus subcollector, abbreviator, vel  
familiaris, notarius, aut dictæ sedis officialis  
fuit, dispositioni apostolicæ generaliter reserua-  
tum existat, dummodo nō sit in eo alicui specia-  
liter ius quæsitum. In reliquis vero nulla clau-  
sula detur, vnde reservatio generalis elici possit,  
nisi desuper signatura per duplex Fiat signata sit,  
aut reservatio, vel alias specialiter habeatur.

De expressione qualitatum beneficiorum  
in impetrationibus.

35 Item voluit, quod super beneficiis ecclesiast-  
icis de qualitatibus illorum, videlicet an dignita-  
tes, personatus, vel officia sint, eisque cura im-  
mineat animarum, & ad illa consueverint qui  
per electionem assumi, mentio fiat alias gratia  
desuper factæ sint nullæ. & si qualitates huiusmo-  
di affirmatiue, vel conditionaliter non exprima-  
tur, negatiua expresse desuper fiat in beneficiis,  
quæ tales qualitates, vel ex eis aliquas consueue-  
rint habere.

De beneficijs vacantibus per contractum  
matrimonij.

36 Item si reseruetur beneficium per contractū  
Matrimo-

Matrimonii, non dentur alii modi vacationum  
de futuro, nec censeatur beneficium reservatum  
specialiter, vel affectum, nisi sequatur matrimo-  
nium, sed in beneficiis per promotionem, aut in-  
gressum religionis. vel affectationem vacaturis,  
ponatur clausula, etiam si non petatur, Cum be-  
neficia huiusmodi præmissa, vel alias quouis mo-  
do &c. præterquam per obitum obtinentis vacare  
contigerit, etiam si vacent.

### De clausulis ponendis in literis

#### Religiosorum.

57. Item voluit, quod si petatur aliquem in  
religiosum recipi, & sibi de quouis beneficio  
ecclesiastico provideri, per simplicem signaturam  
Fiat, receptio huiusmodi duntaxat detur, adiecto  
Si petens idoneus sit, aut aliud canonicum non  
obstat: & exprimatur si certus numerus regu-  
larium sit ibidem, cui etiam non derogetur, nisi  
expresse concedatur. Et si numerus iste non exi-  
stat, ponatur, Dummodo receptionis locus huius-  
modi nimium propterea non grauetur.

#### De translatione Religiosorum.

58. Item si regularis petat sibi de beneficio ab  
aliquo monasterio, vel alio regulari loco depen-  
dente provideri, & appareat ex petitione huius-  
modi, quod alterius monasterij, vel loci religio-

sus sit, licet ibi translatio non petatur, nihilominus illa veniat.

De clausulis Si est ita.

59 Item quod in literis super beneficiis per constitutionem Execrabilis vacatibus ponatur clausula, Si est ita, similiter de quibuscunque narratis informationem facti requirentibus.

Petenti prouideri de vacaturo dentur literę de vacaturo, & e conuerso.

60 Item petenti sibi prouideri de vacaturo, dentur literę de vacaturo, & e conuerso, prout expedierit impetranti.

De mandatis Apostolicis, & executorialibus.

61 Voluit, & ordinauit, quod mandata apostolica super sententiis in Romana Curiā latis executioni demandandis sub bulla expediātur, aliās sint nulla.

Reuocatio decimarum, & aliarum impositionum

63 Item reuocauit quascunque decimarum, subsidiorum, vigesima, & aliorum onerum impositiones, quę a præfato Pio V. prædecessore suo ex quauis causa, etiam in subsidium expeditionis contra Turchas, & Orthodoxę fidei hostes

hostes emanarunt, & quascunque facultates super decimarum, vigesimæ, & onerum huiusmodi exactione quibusuis fructuum, & prouentuum Cameræ apostolicæ debitorum collectoribus, & apostolicæ sedis nunciis ab eodem prædecessore concessas: Suspendit quoque ad suæ sanctitatis, & sedis apostolicæ beneplacitum quascunque plenarias indulgentias ab eodem prædecessore ex quauis causa etiam expeditionis huiusmodi concessas, si quæ per Nuncios, vel quæstores deferrebantur, Necnon deputandi, & eligendi confessores, qui plenarie absoluant, & alia faciant ad earundem indulgentiarum suspensionum effectum, reliquasque facultates ipsas indulgentias quomodolibet cōcernentes, præterquā quoad ea in quibus indulgentiæ, & facultates in aliqua sui parte sint sortitæ effectum: ita vt illis, qui implēt in iuncta eis in literis indulgentiarum hmoi iam consecuti sunt facultatem eligendi confessores, qui absoluant eos plenarie in mortis articulo, per huiusmodi suspensionem non præiudicetur, quin facultate ipsa vti possit in futurum. Decretum quoque irritum, & inane quicquid facultatum reuocatarum earundem prætextu in posterum contigerit attentari.

Reuocatio facultatum percipiendi  
pretium officiorum.

63 Item reuocauit, cassauit, & annullauit, ac

C 3 irritas



inritas declarauit quascūque facultates percipiē-  
di pretiū officiorum Romanæ Curix pro tēpore  
vacantium in toto vel in parte, ac quasuis cōces-  
siones, & collationes, aliasque dispositiones  
per sel. record. Pium PP. V. prædecessorē suū  
de dictis officiis, etiam ex die collationum, con-  
cessionum, & dispositionum earundem in antea  
vacaturis in fauorem quarūcunq; personarū,  
ecclesiarum, monasteriorum, piorum locorum,  
collegiorum, seu eorum mensarum, etiā perpe-  
tuo, etiam in vim cōtractus, & ex titulo oneroso;  
& sub alia quauis verborum forma, quam &  
præmissorū tenores pro expressis haberi voluit;  
concessas, & factas quoad officia, quæ post obitū  
ipsius prædecessoris vacarunt, & in posterum  
quomodolibet vacabunt.

Quod fructus in tertia parte augeri  
possint vigore clausulæ

64. Item cum nonnulli in impetrationibus  
beneficiorum ecclesiasticorum pro tempore va-  
cantium, & certo mō vacaturorum, asserendo  
illorum fructus &c. certum per eos expressum  
annuum valorem non excedere, nonnunquam  
obtineant a S. sua, vt huiusmodi valorem annu-  
um augere possint, vt verius possit in confectiōe  
literarum super huiusmodi impetrationibus sū-  
ma, ac valor ipse annuus exprimi aliter de super

non

non specificato, ne de virtute huiusmodi concessionis in posterum hæsitari contingat, declarauit prætextu concessionis huiusmodi valorem ipsū vsque ad tertiam partem valoris expressi, & in prima, quæ desuper fiet, literarum expeditione dumtaxat augeri posse, & eas, quas literis iam expeditis cum expressione valoris specificati, aut non integro augmento prædicto, denuo de super expediri contigerit literas cum aliquo augmento valoris huiusmodi, nullius esse roboris, vel momenti, etiam si Motu proprio beneficiales gratiæ, & dispositiones quęcunque a S. sua emanarent.

#### De infor descentibus.

65 Item ne personis, pro quibus literę suę sanctitatis emanabunt, ob generalem absolutionem a censuris ecclesiasticis, quibus ligatę forent, ad eorundem effectum indifferenter concedi, & in literis Apostolicis apponi solita præstetur occasio censuras ipsas vilipendendi, & infor descendi in illis, statuit, & ordinauit huiusmodi absolutionem, & clausulam in literis, quas in futurum cum illa concedi contingeret, non suffragari non parentibus rei iudicatę, incendiariis, violatoribus ecclesiarum, falsificatoribus, & falsificari procurantibus literas, & supplicationes apostolicas, & illis vtentibus, receptatoribus, & fautoribus eorum, ac res vetitas ad infideles deferē

tribus, violatoribus ecclesiasticę libertatis, via facti, ausu temerario a postolicis mandatis non obtemperantibus, & nuncios, vel executores apostolicę sedis, & eius officialium eis commissi exequentes impredientibus, qui propter premissa, vel aliquod eorum excommunicati a iure, vel ab homine, per quatuor menses scienter excommunicationis sententiam huiusmodi sustinuerint, & generaliter quibuscumque aliis, qui censuris aliquibus, etiam alias quam, ut prefertur, quomodolibet ligati in illis per annum continuum inforduerint.

Officiales nihil exigant ultra debitum.

46 Item idem D. N. exactionibus, quas sancti-  
tas sua non sine displicentia plerumque fieri intellexit per officiales Rom. Curię, qui constitutis sibi emolumentis pro exercitio officiorum, quę obtinent, non contenti, ultra a prosequen-  
tibus negotiorum quorundam expeditionem in eadem exigere non verentur, obuiare volens, districtę præcipiendo inhibuit omnibus, & singulis quęvis officia in eadem Curia obtinentibus, ne de cetero quicquam pretextu officiorum, quę obtinent, quouis colore etiam celerioris expeditionis ultra emolumenta huiusmodi exigere, seu ad hunc effectum expeditionem eorum quę eis incumbunt malitiose differre, sub excom-  
munica-

municationis, & præter illam suspensionis a perceptione emolumentorum huiusmodi pro prima ad semestre, & pro secunda ad annatam, & pro tertia vicibus, quibus sic excederent, priuationis officiorum per eos obtentorum, in quibus sic excesserint, pœnis. Ac voluit, quod S. R. E. Vicecancellarius, Camerarius, & Maior Penitentiarius excedentes ipsos respectiue, prout eis subsunt, per subtractionem emolumentorum eorundem, ac alias, vt præmittitur, compellant ab huiusmodi illicitis exactiõibus abstinere, & contra eos per prædictas pœnas, & alias prout melius expedire viderint, procedant.

Quod Cardinales non comprehendantur  
sub regulis faciendis.

67 Item cum S. R. E. Cardinales ipsi Sanctissimo D. N. assistant, ac propterea debeant specialibus prærogatiuis, & priuilegiis gaudere, Idẽ D. N. statuit, ordinauit, decreuit, & declarauit, quod in quibuscumque constitutionibus, & regulis per Sanctitatem suam in posterũ post hanc primam editionem, & suarum constitutionum, & regularum publicationem faciendis, non includantur ipsi Cardinales, nisi illæ eorundẽ Cardinalium fauorem concernant, vel ipsę constitutiones edendę de eorundem Cardinalium, vel maioris partis eorum consilio editę fuerint.

De

De potestate Reuerendissimi D. Vicecancellarij, & Cancellariam Regentis.

68 Primo, quod possit committere abolitionem illorum, qui ignoranter in supplicationibus, vel in literis apostolicis aliquid scriberent, corrigerent, vel delerent.

Item, quod possit corrigere nomina, & cognomina personarum, & beneficiorum, dum tamen de corpore constet.

Item, quod possit omnes causas beneficiales etiam non deuolutas committere in Curia, cum potestate citandi ad partes.

Item, quod processus apostolica auctoritate decretos aggrauare possit cum inuocatione brachij sæcularis, & sententias executioni demandari facere contra intrusos, & introducendos per literas apostolicas desuper conficiendas, & non aliàs.

Item, quod possit signare supplicationes manibus duorum Referendariorum signatas de beneficiis ecclesiasticis sæcularibus, & regularibus dispositioni apostolicæ generaliter non reseruatæ, quorum cuiuslibet valor centum florenorū auri de Camera, vel totidem librarum Turonensium, seu totidem in alia moneta secundū communem aestimationem valorem annum non excedat.

Item,



Itē, quod possit signare supplicationes, etiam duorum Referendariorum manibus signatas de nouis prouisionibus, si neutri, & subrogationibus pro colligantibus, in quibus non detur clausula generalem reservationem importans.

Item, quod possit ad ordines suscipiendos arctatis prorogare terminos de dictis suscipiendis ordinibus usque ad proxima tunc a iure statuta tempora, in quibus sic arctari successiue ad ipsos ordines promoueantur.

Placet, publicentur, & describantur. V.

LECTA, & publicata fuerunt suprascripta Regula, Ordinationes, & Constitutionis Romae in Cancellaria apostolica, Anno Incarnationis Dominicae millesimo quingentesimo septuagesimo secundo, Die vero Sabbathi ultima mensis Maij, Pontificatus Sanctiss. D. N. Gregorij diuina prouidentia Papae XIII. anno primo.

Claudius Ceccholinus Custos.

RESER-

# RESERVATIO MENSIVM

Apostolicorū, & alternatiua pro  
Episcopis residentibus.



Antīssimus in Christo pater,  
& D. N. D. Gregorius diuina  
prouidentia Pāpa xij. cupiēs  
pauperibus clericis, & aliis  
benemeritis personis proui-  
dere, omnia beneficia eccle-  
siastica cum cura, & sine cura, sæcularia, & quo-  
rumuis ordinum regularia qualitercūq; quali-  
ficata, & vbicūque existentia, in mensibus Iu-  
lij, Augusti, Octobris, Nouembris, Ianuarij,  
Februarij, Aprilis, & Maij vsque ad quinquen-  
nium à die publicationis præsentis constitutio-  
nis computandum, extra Romā. Curiam aliās  
quā per resignationem quocūq; modo vacatu-  
ra, ad collationem, prouisionem, præsentationē,  
electionem, & quamuis aliam dispositionem  
quorūcūque collatorum, & collatricum secu-  
larium, & quorūuis ordinum regularium (nō  
tamen S. R. E. Cardinalium, aut aliorum sub  
concordatis inter sedem apostolicam, & quos-  
cūque alios initis, & per eos qui illa acceptare  
& obseruare debuerūt acceptatis, & obseruatis,  
(quæ lædere non intendit, cōprehenforū) quo-  
modolibet pertinentia dispositioni suæ generali

ter

ter reseruauit. Volens in supplicationibus, seu  
concessionibus gratiarum, quę de dictis beneficijs  
tunc vacantibus etiam Motu proprio fient, de  
mense in quo vacauerint dispositiue mentionē  
fieri, aliquin gratias nullas esse. Ac priuilegia,  
& indulta apostolica disponendi de huiusmodi  
beneficijs, aut quod illa sub huiusmodi reser-  
uationibus nunquam comprehendantur, etiam  
cum quibusuis derogatorijs, derogatorijs, ac  
fortioribus, efficacioribus, & insolitis clausulis,  
necnon irritantibus, & alijs decretis quibusuis  
pſonis, & collegiis, cuiuscunque dignitatis, sta-  
tus, gradus, ordinis, & conditionis existentibus  
quomodolibet cōcessa, aduersus reservationem  
huiusmodi minime suffragari. Insuper Sanctitas  
sua ad gratificandum Patriarchis, Archiepisco-  
pis, & Episcopis intenta, ipsis, quandiu apud  
Ecclesias, aut Dioc. suas personaliter resederint  
dumtaxat, de omnibus, & quibuscunque bene-  
ficiis ecclesiasticis, cum cura, & sine cura, secula-  
ribus, & regularibus, ad liberam ipsorum dum-  
taxat, non autem aliorum, cum eis dispositionē  
seu pręsentationem, vel electionem pertinenti-  
bus, quę in antea in mensibus Iunij, Augusti,  
Octobris, Decembris, Februarii, & Aprilis extra  
curiam ipsam vacare contingerit ( dummodo  
aliàs dispositioni apostolicę reseruata, vel affecta  
non fuerint) libere disponendi facultatē conces-  
sit,

fit, Ac etiam voluit, quod si ipsi in collatione, aut alia dispositione beneficiorum in aliis sex mensibus videlicet Iulii, Septēbris, Nouēbris, Ianuarii, Martii, & Maii vacaturorum (quæ etiā dispositioni suæ, vt præfertur, reseruatiū) seu etiā aliorum dispositioni suæ, & dictę sedis aliās quo modolibet reseruatorum, vel affectorum sese intromiserint, aut quo minus prouisiones, & gratiæ Sanctitatis suæ de illis debitum effectum consequantur, impedimentū quoquomodo præstiterint, vsu & beneficio prædictæ facultatis eo ipso priuati existant, ac collationes, & aliæ dispositiones de beneficijs illius prætextu deinceps faciendæ, nullius sint roboris, vel momenti. Illi vero qui gratiam alternatiuæ prædictæ acceptare voluerint, acceptationem huiusmodi per patentes literas suo sigillo munitas declarare, & literas ipsas huc ad Datariū Sanctitatis suæ transmittere teneantur. Quibus ab eo receptis, & recognitis tunc demum, & non antea vti incipiāt gratia supradicta, decernens in prædictis omnibus per quoscunque &c. Iudicari debere. Ac irritum &c.

Placet, publicetur, & describatur. V.

Lecta,

Acta, & publicata fuit suprascripta Regula  
Romæ in Cancellaria apostolica, Anno Incarn-  
ationis Dominicæ millesimo quingentesimo  
septuagesimo secundo, die vero Iouis vigesima  
sexta mensis Iunij, Pontificatus Sanctiss. D.  
N. D. Gregorij diuina prouidentia Papæ XIII.  
Anno Primo.

Claudius Cicholinus Apost. Cancell. Custos.

P R O R O G A T I O E X P E-  
ditionum fel. rec. Pij Papæ III.

**S**anctissimus in Christo pater, & Domi-  
nus noster Dominus Gregorius diui-  
na prouidentia Papa xij. qui in crasti-  
num suæ assumptionis ad summum Apostolatus  
apicem per certam constitutionem suam volue-  
rat, quod concessa per fel. rec. Pium Papam V.  
prædecessorem suum, & de eius mandato expe-  
direntur in forma, Rationi congruit, sub die co-  
ronationis suæ (vt moris est); Et idem quo ad cō-  
cessa per prædecessorem suum ad sex mentes duntaxat ab  
ipsa die coronationis incipiendos obseruari vo-  
luerat, Volens ipsorum, qui literas super concel-  
sis per eundem Pium Quartum prædecessorem  
nondum



nondum expediuerint, indemnitati consulete,  
dictos sex menses ad alios sex menses a fine pri-  
mo dictorum sex mensium computandos, pro-  
rogauit.

Placet, publicetur, & describatur. V.

Leeta, & publicata fuit suprascripta Regula  
Romæ in Cancellaria Apostolica, anno Incar-  
nationis Dominicæ, millesimo quingentesimo  
septuagesimo secundo, Die vero Sabbati octaua  
mensis Nouembris, Pontificatus præfati San-  
ctiss. D. N. Papæ, anno primo.

Claudius Cicholinus Custos.

